

Gvangjsih Minzcuz Bau

ganbbau: CN45-0036 B.2013 Nd.12 Ng.18 liggaueq gveiqceib nienz ndwenit cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3103期

Luz Yenbenj Caiq Bae Cingsih Diuyenz Seiz Giengzdiuh:
卢献匾再赴靖西调研时强调:

Gvangjbo Yingjsi Vahcuengh Dwg Minzcuz Doxgiet Cinbu Sifanyen Gensez Ndawde Hangh Neiyungz Youqgaenj He

壮语广播影视是民族团结进步示范县建设的一项重要内容

Bonjbauq siusik (gicej Dangz Lungz Yenj Gijcih Liengz Haijsingh) 12 nyied 13 hauh banhaet, Daengx Guek Yinzda daiyauj, Swcigih Minzveij, Minzyijveij cujyin Luz Yenbenj caiq bae Cingsih Yen diuyenz baenzlawz laeb “daengx gih minzcuz doxgiet cinbu sifanyen” nem gij cingzgvang gvangjbo densi Vahcuengh, haeujlaeg bae cam rox aen yienh neix youq guh hong gvangjbo yingjsi Vahcuengh ndawde gij guhfap moq, cingzcih moq, hojnanz moq nem dajsuenq moq, liuxle

giengzdiuh naeuz gvangjbo yingjsi Vahcuengh dwg minzcuz doxgiet cinbu sifanyen gensez ndawde hangh neiyungz cungyau he, muengh Cingsih gyarengz guhhong, hawj daengx yienh ginzcong naemjap doxlumj, caemh-caiq gyoepcomz geiqmaeuz vunzlai, comz gij rengz minzcuz, gvangjden daengj gak diuz cansen, banh ndei gvangjbo yingjsi Vahcuengh.

Luz Yenbenj naeuz, dangqnaj Cingsih Yen densi Vahcuengh gaenq miz di binjbaiz nem sifan yauying, comz le gingniemh ndei hawj daengx

gih doigvangq. Dangqnaj Swcigih Minzveij, Swcigih Dangiveij Cujcizbu, Dungjanbu cingq lienzhab youq gih raeuz senj sam giz guh minzcuz doxgiet sifanyen, Cingsih dwg giz ndeu. Yienghneix le, Cingsih Yen wnggai aeu laeb minzcuz doxgiet cinbu sifanyen guh fuengyiengq, dawz gvangjbo densi Vahcuengh dangguh minzcuz doxgiet sifanyen gensez ndawde gij neiyungz cungyau de, lienzhab gak bumwnz dawz gvangjbo densi Vahcuengh dajcauh baenz gih raeuz roxnaeuz daengx guek aen

minzcuz yingjsi cezmuz binjbaiz ndeu.

Luz Yenbenj lij gangj baenzlawz doigvangq densi Vahcuengh gij “Cingsih mozsi” de; Swcigih Minzveij Vangj, Gvangjsih Minzcuz Bau Vangj dwg dangqnaj gih raeuz aen cueng cungyau senhcong hong minzcuz, hong vah saw minzcuz haenx, vunz diemj yawj lai, Cingsih Vahcuengh densi cezmuz mizdi neiyungz ciep daengz gij vangjan neix, doenggvaq aen bingzdaiz neix, yinx vunz daeuj yawj Vahcuengh densi cezmuz engq lai.



Lingzyinz: Boux Suhgi Mbanj Yauzcuz Fouq Le Daiq Vunzlai Caemh Miz

凌云:瑶村支书致富不忘带群众

Gaenh bi daeuj, Lingzyinz Yen Yihungz Yauzcuz Yangh Yibauj Cunh dangjcihbu suhgi Siuh Cinz, doenggvaq coengh ok geiqmaeuz, gisuz, cienz-ngaenz nem coengh hong, daiq ok bang vunz baenzfouq naengzlig ak haenx. Youz gyoengqde sonyinx, Yihungz Yauzcuz Yangh 18 aen cunh hwng comz hwnjdaej, doxcoengh doxbang, doengzcaeaz baenzfouq.

Daj 1995 nienz daeuj, Siuh Cinz doenggvaq doq hag doq yungh, baenz le Lingzyinz Yen “bouxdaeuz baengh gohgi baenzfouq”. Dangqnaj, de miz 2

aen gihdi dajndaem gak cungj lwgmak mizmingz youh maenhndei haenx, menciz gungh 350 lai moux, bi canh ngaenz gyawj 40 lai fanh maenz.

Dangguh boux dangjiyenz he, Siuh Cinz nyinhnaeuz de yaek mizsim roengzrengz hawj vunzlai bienq fouqmiz. Vihneix, de ngamq ndaej baenzfouq le, couh youq ndaw ranz banh le “hagdangz nungzgyah”, bangcoengh doenghboux gungzhoj fazcanj swnghecanj, anbaiz gij ranz gungzhoj riengz guh suenmak swheij, hawj haujlai bouxgungzhoj bienq

fouqmiz. “Geij bi neix, danghnaeuz mbouj miz Vangz cihsuh bangcoengh, gou couh dang mbouj ndaej aen gya neix lo!” Yihungz Yauzcuz Yangh Yibauj Cunh Yilij It Cuj boux vunzmbanj Siuh Baujcunz gamjcingz naekgywd dwk naeuz.

“Boux he fouq daengx mbanj hoj, couhdwz swheij mbouj fouq; mwngz miz, gou miz, caezgya caemh miz, neix cij dwg gij muzdi raeuz aeu haenx.” Youq seiz caijfangj, Siuh Cinz yienghneix naeuz.

(Vangz Yenzyungz)

SIUSIK DINJ

简讯

● Dangqnaj, gaendwk Bingzgoj Yen Fungvuz Cin Ganhhoz Cunh “ranz vuenyungz” guh sat canghsuuh, coq sezbei liux, aen cin neix 15 aen “ranz vuenyungz” cienzbouh ndaej yungh liux lo, aen cin neix 3.7 fanh vunz daj neix ndaej souh’ik.

(Vangz Cinhhohz Cinz Gyauhyen)

● Daengz bineix 10 nyied daej, Denhdwngj Yen gyoepsuenq bued 263 fanh maenz guh 2013 nienz bujdungh gauhcungh guekgya cienhangh bangboug, doenghboux hagseng ranz daegbied gungzhoj ndaej bang haenx miz 1638 vunzbaez. Hagseng ndaej bang haenx ciemq cienzbouh 40%.

(Liengz Cwngzfuj Nungz Haijvei)

● Daj bineix 5 nyied guh “Ginhcuz gyaendei • lajmbanj cinghseuq” hozdung daeuj, Ginzhih Si Ginhcuz Cin comz ndaej 112 fanh maenz, ndawde 75 fanh maenz cawx doxgaiq cinghseuq, baetseuq reihnaz 2.1 fanh moux. Doenggvaq baez hozdung neix, yienghsiengq lajmbanj bienq ndei gig lai.

(Coz Sanggunh Cinz Linz)

● Dangqnaj, Sihlinz Yen gaenq dazyinx 5 aen gunghsw h roengzngaenz dajndaem gak cungj yw 20000 moux. Ceng daengz 2020 nienz laeb 10 aen hanghmoeg hung roengzngaenz ik maenz doxhwnj, doenggvaq hanghmoeg hung daiqdoengh fazcanj hung.

(Cinz Hungzsingh)